

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 095091 23 K
Visoko, 10.04.2023. godine

U IME FEDERACIJE BOSNE I HERCEGOVINE

Općinski sud u Visokom, sudija A. A., uz sudjelovanje zapisničara S. D., u krivičnom predmetu protiv optuženog U. N. zbog krivičnog djela nasilje u porodici iz člana 222. stav 1. KZ F BiH, rješavajući po optužnici Kantonalnog tužilaštva-tužiteljstva Zeničko-Dobojskog kantona broj T04 0 KT 0048956 22 od 01.11.2022. godine, nakon održanog javnog i usmenog glavnog pretresa, u prisustvu Kantonalnog tužitelja M. H., optuženog lično U. N. u nastavku glavnog pretresa, dana 10.04.2023. godine, donio je i javno objavio

P R E S U D U

OPTUŽENI: U. N., sin S. i majke R. rođene K., rođen godine u S., nastanjen u naselju L. broj 15, grad V. (sa prebivalištem u mjestu O. broj 22, grad V.), pismen, sa završenom SSS, po zanimanju, zaposlen u firmi „V.“ d.o.o. V., razveden, otac troje djece, po narodnosti, državljanin BiH, JMB:, osuđivan presudom Osnovnog suda u Sokolcu broj: 89 0 K 047984 16 K od 08.06.2016. godine, zbog krivičnog djela iz člana 399. stav 6. KZ RS, na kaznu zatvora u trajanju od dva mjeseca, uslovno jedna godina,

Kriv je

što je:

dana 03.04.2022. godine u V., došao do U. „S.“, koji se nalazi ulici M., gdje je zaposlena njegova supruga U. A., te vršio nasilje nad istom na način da je pozvao da izađe iz objekta, svjestan da će ugroziti mir i psihičko zdravlje U. A., a što je i htio, povišenim tonom joj govorio da ne vodi računa o djeci, da nije dobra majka i da ne treba raditi, pa kada je A. ušla u objekat po pozivu kolegice B. M., krenuo za njom, te se M. obratio riječima: „šta je ti imaš zvati, koji si ti kurac ovdje“, nakon čega je krenuo prema njima u čemu ga je zaustavio B. N. koji ga je izveo iz objekta, a prilikom izlaza je nastavio da se dere i povišenim tonom govori da će ih pobiti, nakon čega se udaljio u nepoznatom pravcu, na koji način je nasiljem, drskim i bezobzirnim ponašanjem ugrozio mir i psihičko zdravlje supruge U. A.,

čime je počinio krivično djelo nasilje u porodici iz člana 222. stav 1. KZ F BiH.

Pa sud optuženom na osnovu istog zakonskog propisa: te na osnovu članova: 42., 49. i 62. KZ FBiH, i z r i č e

USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 3(tri)mjeseca, a koja se neće izvršiti ako optuženi za vrijeme od 1(jedne)godine ne počini novo krivično djelo.

Na osnovu člana 202 stav 1 u vezi sa članom 199. stav 2. tačka g) ZKP FBiH, optuženi je dužan platiti sudu na ime troškova krivičnog postupka u vidu paušala 20,00 KM, sve u roku od 30 dana, po pravosnažnosti presude pod prijetnjom izvršenja.

Obrazloženje

Kantonarno tužilaštvo-tužiteljstvo Zeničko-Dobojskog kantona (u daljem tekstu KT ZDK) optužnicom broj T04 0 KT 0048956 22 od 01.11.2022. godine podiglo je optužnicu protiv U. N. zbog krivičnog djela nasilje u porodici iz člana 222. stav 1. KZ F BiH (u daljem tekstu KZ FBiH).

Optužnica je potvrđena od strane sudije za prethodno saslušanje ovog suda dana : 08.11.2022. godine. Dana 19.01.2023. godine na ročištu o izjašnjenju o krivnji, optuženi je izjavio da nije kriv za krivično djelo koje mu se stavlja na teret.

Na glavnom pretresu dana 10.04.2023. godine, optuženi U. N. priznao je krivnju za krivično djelo nasilje u porodici iz člana 222. stav 1. KZ F BiH, a njegovo priznanje je u saglasnosti sa dokazima u koje je sud izvršio uvid i to: zapisnik o ispitivanju osumnjičenog U. N. P. V. broj: 08-02-09/1-287/22. od 04.04.2022. godine, dva zapisnika o saslušanju svjedoka U. A. Kantonarno Tužilaštvo Ze-do kantona od 18.05.2022. godine i PS V. broj: 08-02-09/1-285/22 od 03.04.2022. godine, zapisnik o saslušanju svjedoka B. N. PS. V. broj: 08-02-09/1-286/22 od 04.04.2022. godine, zapisnik o saslušanju svjedoka B. M. PS. V. broj: 08-02-09/1-765/22 od 26.08.2022. godine, zapisnik o saslušanju svjedoka S. M. PS. V. broj: 08-02-09/1-766/22 od 26.08.2022. godine, zapisnik o saslušanju svjedoka K. N. PS. V. broj: 08-02-09/1-599/22 od 01.07.2022. godine,.-rješenje Općinskog suda u Visokom broj: 41 0 Pr 092529 22 Pr od 04.04.2022. godine, informaciju JU Centra za socijalni rad V. broj: 04/4-04-11-1132/22 od 12.05.2022. godine sa priložima i to aktom o prijavi nasilja JU Centra za socijalni rad Visoko od 18.01.2022. godine, aktom PS Visoko od 28.01.2022. godine i informacijom JU Centra za socijalni rad V. od 12.04.2022. godine i izvod iz kaznene evidencije za osumnjičenog U. N., Uprava policije S. od 27.06.2022. godine.

Odbrana nije imala dokaznih prijedloga.

Sud je priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u cijelosti u saglasnosti sa materijalnim dokazima, naprijed navedenim, u koje je sud izvršio uvid, a koji dokazi po svom vjerodostojnom značaju potvrđuju priznanje optuženog, na osnovu čega van svake sumnje proističe da je optuženi ostvario sva bitna obilježja bića krivičnog djela nasilje u porodici iz člana 222. stav 1. KZ F BiH.

Po ocjeni suda optuženi je navedeno predmetno krivično djelo učinio direktnim umišljajem jer je bio svjestan svog djela i htio je njegovo izvršenje, a sud je utvrdio da je optuženi prilikom izvršenja krivičnog djela bio uračunljiv, jer predloženim dokazima nije dovedena u sumnju mogućnost optuženog da shvati značaj svog djela i da upravlja svojim postupcima u vrijeme izvršenja djela, te su se u njegovim radnjama stekla sva bitna obilježja bića krivičnog djela djela nasilje u porodici iz člana 222. stav 1. KZ F BiH.

Odlučujući o vrsti sankcije za optuženog sud je od olakšavajućih okolnosti cijenio da je optuženi priznao izvršenje krivičnog djela u cijelosti i time doprinio rasvjetljavanju utvrđenog činjeničnog stanja, da je neosuđivan (stekli se uslovi za brisanje kazne), te da se kaje za učinjeno krivično djelo, otac troje djece koje izdržava dok s druge strane sud nije pronašao otežavajuće okolnosti.

Cijeneći olakšavajuće okolnosti i nepostojanje otežavajućih okolnosti na strani optuženog, sud je optuženom za krivično djelo nasilje u porodici iz člana 222. stav 1. KZ F BiH izrekao uslovnu osudu, kojom se optuženom za počinjeno krivično djelo utvrđuje kazna zatvora u trajanju od 3 (tri) mjeseca, a koja se neće izvršiti ako optuženi za vrijeme od 1 /jedne/ godine, od dana pravosnažnosti presude, ne počini novo krivično djelo, jer sud cijeni da će se ovakvom kaznom ostvariti svrha kažnjavanja predviđena članom 42. KZ FBiH (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), te postići potpuna kako posebna tako i generalna prevencija.

Na osnovu člana 202 stav 1 u vezi sa članom 199. stav 2. tačka g) ZKP FBiH, sud je obavezao optuženog da plati sudu na ime troškova krivičnog postupka u vidu paušala 20,00 KM, sve u roku od 30 dana od dana pravosnažnosti presude

Sudija
A. A.

PRAVNA POUKA:

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.